

Ricibiendo mas conocimiento riba e ultimo desaroyonan na aeropuerto:
Gobernador di Aruba mr. Fredis Refunjol a bishita
Aeropuerto di Aruba



ORANJESTAD – CEO di Aruba Airport Authority N.V. (AAA) Sr. James Fazio hunto cu e Management Team di AAA tabata honra pa yama bonbini na Gobernador di Aruba mr. Fredis Refunjol na aeropuerto pa mira e ultimo proyectonan y desaroyonan mas recien.

Gobernador mr. Fredis Refunjol a ricibi un resumen di e proyectonan recien y tambe un bista di e trabounan diario y retonan cu cada autoridad di gobierno cu ta opera na aeropuerto ta enfrenta diariamente y con nan tin plania pa adapta y cambia den futuro. E autoridadnan di gobierno a duna Su Excelencia un caluroso bonbini y splicacion di nan contribucion na e operacion diario di aeropuerto. Sr. Refunjol tabata hopi impresion cu e 'teamwork' cu ta reina entre tur e departamento- y autoridadnan cu ta

traha hunto pa sigura un bon prome y ultimo impresion pa nos bishitantenan.

"E tabata nos placer pa compaña Su Excelencia na aeropuerto y duna e un splicacion riba e ultimo desaroyonan na aeropuerto. Gobernador a mustra hopi interes den con tur e autoridadnan y departamentonan ta traha hunto haciendo uzo di e ultimo tecnologianan disponibel pa nos. E proyecto Happy Flow y Kiosconan di Automated Passport Control hunto cu e plannan pa busca mas kiosco automatiza di 'border control den futuro ta cuadra perfectamente cu e vision cu Su Excelencia tin pa nos isla. Nos ta ansioso pa mas bishita for di Su Excelencia mr. Fredis Refunjol, como cu el a expresa interes pa ricibi mas informacion riba aspectonan specifico di aeropuerto, entre otro si e edificio bieu Dakota," asina CEO di AAA Sr. James Fazio a bisa. □

